

Cietcuzcu Yauzcuz

□ Daeggingz cingjeix



▲ Baiq cojcoeng.



▲ Soengq doxgaiq caeq cojcoeng.

◀ Gvaq ciet cungj roq gyongluengz.

Cietcuzcu youh heuhguh “ciet-daznuj” “cietyahcoj” “cietngeihgouj” “bi Yauzcuz”, dwg ngoenzciet Yauzcuz cojcienz roengzdaej, cienz-lah youq Bahmaj, Dava, Duh’anh, Majsanh, Bingzgoj, Lungzanh daengj dieg. Ngoenzciet neix dwg ngoenzciet Yauzcuz gvaq ndaej ceiq hungmbwk, daj Ciuhsung hainduj cienz daengz seizneix.

Cietcuzcu aeu ngoenz liggauej haj nyied ngeihgouj guh ngoenzciet daeuz. Bingzciengz bi gvaq mbat ndeu, mbanj seiz sam daengz haj bi gvaq mbat ndeu; gingciengz gvaq sam ngoenz bae. Cietcuzcu baenzlawz miz ne? Neix ndawbiengz miz haujai aen gojriuz, ndawde miz sam aen goj daeuz: Aen daih’it dwg geiqniemh ngoenzseng yahcoj “Milozdoz”; aen daihngaih dwg geiqniemh gij goeng-lauz gvendaengz bouxvuenz Yauzcuz Lanz Luz nyingz doenghij daeng-ngoenz lai doek bae; aen daihsam dwg geiqniemh ngoenzgeih bouxakhaenq minzcuz vih yinxhaej cehhaeux couh deng daimingh bae.

Gvaq ngoenzciet neix ne, doenghij hozdung daeuz dwg guh hozdung baiq cojcoeng baiq sienbaed, roq gyongluengz, ciengq go goengcoj daengj, aeu neix daeuj hawj vunz Yauzcuz mbouj lumz gij lizsij gyaenanz, gij cojcienz ronghlwenq,

gya rengzcomz bonj minzcuz. Lij banh miz hozdung doiq fwen, cit bauq-ciengh hwnj mbwn, dwkgyangq, doj roegmoiz, daeuqmax, nyingz naq daengj diyyuz ndawbiengz. Liuxle, gyoengq vunz Yauzcuz cungj doxcomz gwn ngavz gwn laeuj. Mboengq haenx, ranz ranz cungj gaj gaeq gaj yiengz, bouxboux cungj ok laeuj ceiq ndei, beixnuengx mbanjranz cungj gwn laeuj fiz bae.

Ngoenzciet guh hozdung baiq cojcoeng baiq sienbaed, bouxdaeuz ndaw mbanj gaemguenj. Doxgaiq baiq cojcoeng sienbaed, aeu gyauejmou guhdaeuz, lij coq haeuxnaengj, laeujraemx daengj, neix dwg lwnh vunz lai naeuz aen yizsi neix dwg yizsi ceiq ndei ceiq hungmbwk. Youq ranghdieg Yauzcuz, ndwenngux ndwenloeg dwg geiqciet ceiq youq-gaenj gvendaengz haeux henjbaenz. Ciuheq vunzraeuz baengh mbwn gwn ngaiz, deng gouz duzsien duzbaed daeuj bauj reihnaz ndaej sou lailai, neix daih cienz daih roengzdaej lo. Yienghneix le, cietcuzcu couhdwg gangj vunzraeuz caeuq mbwndeih doxlwnh, gangj vunzraeuz ndiepgyaez

deihnamh.

Baiq cojcoeng sienbaed liuxle, gyoengq beixnuengx Yauzcuz roq gyongluengz, angq diuq foux-gyongluengz, lwnh cojcoeng vunz-laeng gvaq ndaej ndei, caeuq cojcoeng caemh angq ndaej sou lai; gwn laeujndei homvan, eu fwen ndeidingq, boq loxlez angqyangz. Youq ndaw mbanj, hozdung aen dam aen yienj. Vunz lai ciengqgo diuqfoux, langh sim angqyangz. Haujai vunz-hek gya’ gawj daeuj caeuq beixnuengx Yauzcuz doxcomz giz ndeu, bouxboux vuenyungz angqyangz.

Bi 2007, cietcuzcu Yauzcuz ginggvaq Gvangsijh Bouxcuengh Sweigih doengzeiq, ndaej liedhaej daih’it buek swigih gaep feihvuzciz vwnzva yizcanj mingzloeg.



▲ Youq mboengq cietcuzcu bouxcoz Yauzcuz doiq fwenyox.



▲ Yien fwngz caez diuq-foux, angqhoh cietcuzcu.



▲ Vunz Yauzcuz diuq foux-gyongluengz.



▲ Dwkgyangq.



▲ Gyoengq sau Yauzcuz dawz gyaehhoengz, haeux-naengj ganj hawfwen.



▲ Geij dahsau iq Yauzcuz.



▲ Youq mboengq cietcuzcu yienj cezmu.